


De drei podagrysten



Van Koevern wazzen ze naor Bentheim tou gaon
Drei man, die an 't podagra leden
De pien was zo groot en de rit was zo laank
De weg was zo min en zo haard was de baank
Mor het waoter daor hölp, naor ze zeden

Van Koevern wazzen ze naor Bentheim tou gaon
En drei lange maonden daor bleven
De kwaol was genezen, ze gungen op pad
En wat ze beleefden in dörp en in stad
Dat hebben ze oetvoerig beschreven

Ze trokken deur 't Lantschap, de stok in de haand
En hebben van alles bekeken
Folklore, historie, de zangerge taol
Van 't volk dat er leefde enwat allemaol
Nog zo eigen was in dizze streken

Ze trokken deur 't Lantschap, de stok in de haand
Er was ja zo veul te beleven
Wat Picardt vertelde in zien olle kroniek
Verhaolen van vrouger met veul romantiek
Daor wör in heur bouk over schreven

D.H. van der Scheer, Harm Boom, Lesturgeon,
Drei Drinthen om wies op te wezen
Ze luipen veurop, aal was voutjicht heur kwaol
En luiten historie, folklore en taol
Van Drenthe deur Drenthen weer lezen.

(Noorddrents dialect)

Tekening: Huub Linssen / Tekst: Peter van der Velde

